



16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43

5452.60
888





金石綜例卷三

小長蘆舊史官馮登府纂

吳縣朱記榮校刊

墓碣

漢江原長進德碣

文云君諱就字進德故蜀郡江原長延熹三年互口孟彥造作隸釋云有名字而不知其姓似闕非闕似碑非碑其文由左而右其下刻一怪獸之首若虎而有角按此是墓碣之異者

表式

漢張遷碑

此碑銘末有一表字吳山夫謂是表頌之意隸釋所載廣漢王君治石路碑亦以一表字標其端首但彼書於前此書於後則又有不同者此碑額題為表頌銘此一式也漢



槐廬叢書

今石經例卷三
一
謁者景君墓表爲墓表之始

壽家刻石

漢延平棹字

文云永初七年四月卅日造焉是萬歲延年益壽郭凡
十八字爲三行洪氏曰當是壽家中所刻王氏行日唐三
家及歐尹會墓誌無書壽藏王荆公李君墓誌云君自爲
壽藏又一例不知實昉於漢耳

墓道題闕詳畧

漢楊家墓道云漢故益州太守楊府君諱宗字德仲墓道
張君墓道云清河相弘農太守張君墓□其題闕如鉅鹿
太守金君闕不其令董君闕是也其題神道如廣漢縣竹
令王君神道也石但書姓名者如高直闕但題漢故高

君諱直字文玉是也又漢楊侍中文父之神道以姓冠於

官上

墓室

唐高麗大覺國師碑

額稱大覺國師墓室及碑銘安立事跡記墓室二字古刻
未有

神道

漢馮煥神道

文云故尚書侍郎河南京令豫州幽州刺史馮使君神道
此神道之始隸釋云漢人書墓闕神道有盡列其生平所
歷官者至銘誌則舉其所終或清高者題之此神道全書
官秩與熊君碑同例

墓輓

漢謝君墓輓

甄云元和三年五月甲戌朔謝君造此墓甄此墓甄始見者

瑩兆記 唐高士廉瑩兆記

陪葬昭陵多立碑而此獨稱瑩兆記有敘而無銘詞又一

例也

穿中記 漢張賓公妻穿中二柱文

隸釋云此記張賓公妻之穴子偉伯妻與其孫陵皆祔葬右方曲內中故志之其一則偉伯之孫元益葬其父長仲并仲叔无所志也亦埋銘之椎輪

聖作碑 宋大觀聖作碑

碑題大觀聖作之碑凡四種聖作猶言御製

詔碑 漢賜馮煥詔

碑首行云告豫州刺史馮煥隸釋云漢詔之式如此帝紀

注云漢制帝之下書有四一曰策書編簡也其制長二尺

短者半之篆書起年月日稱皇帝以命諸侯王三公以罪

免亦賜策而以隸書用尺一木兩行書之二曰制書其文

日制詔三公皆璽封尚書令印重封露布州郡三曰詔書

其文曰告某官云如故事四曰誡敕其文曰有詔敕某官

敕牒之式 宋豐澤廟封康顯侯敕

碑為黃翰撰書宣和元年立中州金石記曰碑上為敕下

為記敕以政和八年閏九月十三日下署太師魯國公臣

京免書及諸臣名尚書吏部告印下記徐公由尚書郎蒞

二千石禱雨有應奏請封爵之事宋時敕牒體例具見於此足資掌故也

陵碑 唐順陵碑

金石文字記云順陵有碑武后勅爲之乾陵有碑中宗踵爲之王氏昶曰乾陵碑卽述聖記武后撰中宗書非中宗爲之也又前乎此者有孝敬皇帝叡德記則高宗先爲之是陵碑不始於乾陵順陵矣

墓版 晉關中侯劉韜墓誌

碣書晉故使持節都督青徐諸軍事征東將軍軍司關中侯劉府君之墓君諱韜字泰伯叔考處士君之元子也夫

人沛國蔡氏其石廣七寸高一尺八寸卽古墓版文也偃師金石遺文記云此石由掘井始出土蓋卽當日誌墓之石埋於壙中者制亦如漢碑式而形制特小直不復用甄禮家宜仿爲後人埋銘定式

保母甄

甄書郎耶王獻之保母姓氏次書母德能文繼書卒之年月日殉以曲水小硯交螭方壺樹雙松於墓上後云八百餘載知獻之保母宮於茲土者云云保母之名見於禮記蓋子敬之乳母也甄於嘉泰二年山陰農人闢土得之於黃閉曲水小硯俱出焉去興寧實八百三十八年獻之前知正如滕公石室三千年後曹娥碑五百年後之譏奇矣

界碑

漢洛陽北界碑

水經注載洛縣河水之南岸有一碑北面題云洛陽北界
上又幽冀二州界石文云有漢熹平四年幽冀二州以戊
子詔遣冀州從事王球幽州從事張昭郡縣分界立石標
界具揭石文也又漢有冀州北界碑又河南界石柱洛陽
南界碑俱見水經注

建石幢以頌德政

唐使院石幢記

此碑公爲政國公立文有敘而無銘且建幢而非碑王氏
昶謂與他碑之頌德政者異

東都墓闕

晉豫州刺史路君二闕前闕七行二十一字書其歷豫州
刺史至徵試博士凡八官後闕六七行二十一字云會稽

東部都尉路君闕其次書造闕年月日永平之八年隸釋
云東都冢墓間石刻傳於後世者自此始

重立碑

漢郭景碑

隸釋云郭君仕至丹楊太守以威宗延熹元年卒三載禮
闕諸子已刻墓道之銘矣後十餘年當孝靈光和二二年
其從子五原太守鴻因葬太尉公遂與其孫范不改舊文
重立此碑又碑云年過耳順寢疾瘡頽益年六十餘也

神碑

北齊邑師道畧等造神尊碑象記

王氏昶日文云敬造神碑一所尊像入堪則仍是造像而
別立碑以記之稱之曰神碑昶見於此

學師題名

漢學師宋恩等題名

中有孝義掾業掾易掾易師尙書掾尙書師詩掾春秋掾
議文學孝掾文學掾文學師等稱隸釋云漢永平中嘗爲
四姓小侯立學置五經師此則蜀郡諸生也又有左右生
題名碑蓋左學右學諸生也

宅舍碑

鄭子真宅舍碑隸釋云碑首云所居宅舍一區直百萬繼
云故鄭子真地中起舍一區七萬凡宅舍十有二區其次
有詞語有歲月官更有郎中及賊曹與掾史又有左都胡
恩胡陽陳景等姓名似是官爲檢校之文其中有宅舍奴
婢財物之物其云妻無適嗣又云未知財事其前有爲後
二字知旋立嬰孺爲嗣也其云精魂未滅而有怨上一字

從女當是其母則知其親物故未久也未云春秋之義五
遜爲首所以戒其宗姓或女兄弟之類息爭室訟也碑今
在蜀中按此是分析宅產奴婢立嗣後刊此以防爭訟後
世分產單所祖

物產碑

金廣延母徐氏物產碑言徐氏歸於季本有男曰恭早終
立從孫廣延爲後廣延不祿徐氏言少入金氏在婦勤儉
積入成家又云季本以奴婢田地分與季子雍直後產薄
盡徐氏老而廣延死故又析其財有雍直徑管及悉以歸
雍直之文慮雍直爲嫂姪之害也故刊刻此石此亦後人
分析單所祖

壇碑

漢太丘長陳實壇碑

金石錄卷三

隸釋謂壇者廟中之壇段光為孫叔敖立廟作碑文云興
祀立壇是也

童子碑

漢逢盛碑

碑稱童子諱盛字伯彌又云年十有二又云慈父悼傷割
哀回鯉於是門生東武孫理等刊石蓋父之門生為作碑
也又袁滿年十五胡根年七歲各有碑見蔡中郎集

前後碑體制

漢史晨碑

隸釋云前碑載奏請之章後碑敘饗禮之盛其補垣墻治
瀆井種梓守冢皆在饗禮之後字畫亦大小不等蓋史君
孔林中事不一書也按此與韓敕碑畧同後人紀事之碑

一一分書之即本此例

井券

券云漢安二年六月朔潁陽里墮建口井迺作神券永無
極泉深三丈右五後書一季長陳正二百蕩陰龔敬四平
原鮑亮二百維陽呂仲二百下邳東高臣百彭城長邯鄲
熊宣季五百豫州宋孟百家皆出錢人姓名張燕昌曰此
當是義井券

瓦券

券云大男楊紹從土公買冢地一邱東極闕澤西極黃滕
南極山背北極於湖直錢四百萬即日交畢日月為証四
時為任太康五年九月廿九日對其破蒞民有私約如

律令張燕昌金石契載此券蓋當時營葬買於神者即後人書券之祖

買地契 金貞清觀牒

牒後載本觀置買地土文契契中年月後一日立契出賣地人即今之賣主一日立契人即今之買主親友一日引領人即今之居間一日寫契人即今之代筆

寶券合同 金京兆府合同平涼府合同券

此碑即今人賣買合同之例

買冢地碑 漢真道家地碑

隸釋云右真道家地碑延熹七年真道以錢八千從真敖兄弟市此地廣二十二丈其文戒約後世作冢取土方隅

但得宿山居留不得爭訟舍地布之以天帝誅疾勸之以勉崇孝道戒之以不得違犯先人之約此後世買冢地券之始

題梁 唐福田寺三門記

記云僧之佳號及一境檀那師咸列姓氏於虹梁之上此後世寺院姓氏書梁之例

庄地書四至 唐重修大像寺記

所載庄地果園四至近他人者著他人姓名近本寺則曰自至

賣宅券 晉廣慈院牒

牒載置宅券云某年月日置得某處姓名宅壹所准作價

錢若干後載北至某處東至某處南至某處西至某處賣宅人某官某姓名年若干同賣宅人弟某姓名同賣宅人母某氏年若干保人某官姓名庄宅牙人某姓名此五代時賣宅契券之式

碑額之異 漢戚伯著碑

額云本周末嗣儼氏襲以興勃海君元孫伯著之碑洪氏謂此時墓刻始萌牙標題未當律令碑首敘胄周別封氏衛儼邑而為姓即姓焉敘述其先然後另行書伯著亦不著名

額題大吉 漢摩厓造冢碑

碑云舅弟六人共買山地建初元年造此冢地直三萬錢

碑額大吉二字寸許隸書李遇孫曰此碑於道光三年新

出會稽跳山

魏詔 魏下豫州刺史修老子廟詔

其文曰告豫州刺史云云如故事黃初三年十月十五日下午此式與漢詔同

不刊介石 唐王居士磚塔銘

銘云迹往名留不刊介石他碑多作貞石樂石無作介石者

篆額 唐褚亮碑

額書大唐褚卿之碑與他額異王氏昶曰推揣其故亦因去世荒遠恩澤久替迫立墓碑不願繁稱但以一卿字該

其官位而以褚字表其姓而已褚卿猶言褚公也

篆蓋 宋韓家道墓誌

碑書某人篆蓋卽篆額也

列撰書人姓名 漢李翁郁閣頌

題名第三行云從史位口口口口字漢德爲此頌又第四
行故吏下辨仇紉子長書此頌第五行云石師南口口口
口威明蓋刻碑者也天井後碑云仇靖字漢德書文與郁
閣頌同出一手又武班碑云防東長齊國臨菑口紀伯允
書羊寶道碑末云書此盛巨碑此碑列撰書人姓名始此
顧亭林金石文字記謂始見於後周華嶽頌者非也金石
遺文錄云郁閣列書撰人名氏此漢碑之創見也有列撰

而不列書者石勛撰費鳳碑邊韶撰老子銘是也列書而
不列撰者郭香察書華岳碑紀伯允書武班碑是也

書撰人於文中見之

北齊隴東王感孝頌

碑云於時開府中兵參軍梁恭之盛工篆隸騎兵參軍申
嗣篔微學摘藻並應命旨俱營頌筆云云不直書書撰人
姓名見於文中亦碑式之變例也王氏昶云稱梁恭之則
譽其盛工篆隸而自述其撰文則云微學摘藻蓋謙詞也

碑題撰書先後

唐嵩陽觀紀聖德感應頌

錢氏大昕曰唐宋碑刻多以撰人姓名列第一行書人姓
名次之題額又次之此碑首題林甫上表迴題額碑末始
題徐浩書與它碑或異季海官卑不敢與林甫迴並列故

也又此碑本入分於年月處用小篆亦他碑所罕見
撰書人名前後分列 唐獨孤仁政碑

碑首題劉待價撰末題劉珉書亦例之創
兼書碑陰 後周尉遲迴碑

唐開元時立此碑閻伯璵敘顏真卿銘蔡有鄰書並陰亦
一碑兩人分撰兼書碑陰也

碑陰前行特書兩人之事 漢陳球碑陰

隸釋云其前二行特書兩人之事與他碑不同其全行以
上皆云故吏其中皆有息字次行息之上又有早終字蓋
謂二人者已卒所出緡錢則其子也碑以二人居右必其

府之元僚也

年月前有造頌四年四字及碑陰行款不同 北魏張猛龍清
頌碑

碑末書義士口口口口造頌四年正光三年正月二十三
日訖王氏昶曰造頌四年四字殆紀造碑閱時之久也此

例亦他碑所無者碑陰十一列所載姓名自郡縣曹掾曹
佐以逮諸縣士族望每一人為一行每二三行至一二十

行為一列人數多寡不同此又碑陰之變例也
山行之文 東魏太公呂望碑

碑尾敘通直散騎常侍聘梁使平東將軍中書侍郎恆州
大中正修左史汝郡太守穆子容山行之文山行子容之
字王氏昶曰不曰撰而曰山行之文又一例也

碑陰載修行 漢北海相景君碑陰

碑有修行十九人按後漢百官志注河南尹官屬有循行一百三十人修行殆即循行又此碑陰又有故午疑即幹之借

集書

李氏遇孫曰楊大瓢鐵函齋碑跋云集書共有十八家而

未舉其碑予以所見者共得二十二種若聖教序 僧懷仁集右軍

書攝山棲霞寺碑 僧懷則集右軍書 吳文碑 僧大雅集右軍書 于真庵記

宋徽宗集歐虞褚薛顏柳李陽冰諸書 菩薩戒 張滋集米元章書 汧陽普濟禪院碑

宋僧善儁習右軍書習與集同 隆闡法師碑 墨林快事云是憚公臨集右軍書字與聖教序無異亦集

也書集蘭亭字本 宋游丞相藏本集泉蘭亭字而成見竹雲題跋 集聖教敘蘭亭南

宋本 姜西溟藏本見竹雲題跋 永仙觀碑 集右軍書見關中金石記 普照寺興造記

集柳誠懸書見石墨鐫華 胡武平碑 集褚河南書見周益公泛舟游山錄 田尊師德行頌

大曆六年 金剛經 僧懷仁集右軍書 解州鹽池新堰箴并敘 天聖

集右軍書 絳州重修夫子廟記 明道中集右軍書 長洲縣重修學宮記

至正十年集 臯萊行 宋人集右軍書 默庵記 元人集魯公書 又宋刻博

古堂帖未有集漢隸千文一種金石史云章帝千文亦是

集書非始於聖教敘以上共二十一種未知與楊氏所舉

有異同否也余按楊氏所言十八家係專指集右軍書李

所舉田尊師碑孫星衍訪碑錄畢沅關中金石記為田名

德集右軍書今考碑首有供奉口光書并篆額等字則非

集右軍書明矣汧陽普濟禪院碑乃習右軍書殆依仿為

之非集字也宋延慶禪院修舍和塔碑為楊虛已習羲之書蓋當時有此體則李所舉僅十二種考周孝侯碑題王羲之書王氏昶謂為集書六譯金剛經楊承和集右軍書見關中金石記又一本唐元度集右軍書見葉氏金石錄補又一本唐元序集右軍書見趙氏錄王免淨居詩刻僧靜萬集右軍書宋集右軍牡丹詩并見石墨鐫華集右軍四十七字殘碑見來齋金石考元倪處士墓表張翥集右軍書見天一閣碑目合之共十九家未知與楊氏合否至集古今諸家書未可縷舉矣

習書

宋汧陽縣普濟禪院碑

碑首題京兆府廣慈禪院文學沙門善僂習晉右將軍王

羲之書并篆額關中金石記曰古集書無稱習書者習書應是依仿為之

二體三體六體十八體書

北宋嘉祐石經一行篆一行真宋高宗御書孝經真草每行相間為二體魏正始石經以古文小篆隸分三體書郭忠恕陰符經亦三體也趙孟頫六體千字文謂真草隸篆及鐘鼎章草也見鈴山堂書畫記宋夢英有十八體書

泉書及書追書

唐北岳恆山祠碑寶濟寺碑御史臺精舍碑

碑題張嘉貞文泉書即暨字與寶濟寺碑懷暉及書同即并書兼書之意又恆山廟御史臺碑為梁昇卿追書蓋製文在前書在後也又恆山廟碑文嘉貞書而碑末云年號

尚書名位太中士夫行定州別駕上騎都尉盧國公李克
嗣題此一例也

婦人書碑

唐石壁寺鏡彌勒像頌

碑爲太原府叅軍房嶸妻渤海高氏書集古錄曰婦人之
書唯此高氏一人其書刻石存於今者惟此頌與安公美
政頌爾按金石錄載周昇仙太子碑武后撰并書薦福寺
碑天后飛白題額崇福寺碑武后題額見唐代名畫記貴
妃楊氏有書心經一卷見貴耳集宋憲聖皇后有御書觀
音經千文歸田賦又嘗續書石經見中興館閣錄宋徐夫
人名蘊書華嚴經見撫州府志婦人書碑指不勝數

僧書碑

唐內侍將軍張阿難碑瑤臺寺僧書領軍將軍上柱國乙
速孤神慶碑釋行滿書王氏昶曰卿大夫墓志用方外人
書不多見也

僧撰碑

唐樊氏墓志

按樊氏爲張詵夫人沙門至咸撰墓志亦未之見也

御書碑未有檢校摸勒樹碑人名

唐裴光庭碑

碑爲元宗御書張九齡撰文前有敘題御書字某末列檢
校摸勒使某檢校樹碑使某二行此御書碑之式也

御書院祇候

宋中岳醮告文

碑文御製劉太初奉敕書末題御書院祇候臣沈慶臣晉
文寶鐫蓋宋奉敕書碑皆歸御書院祇候刻字設有專職

也永定陵采石記亦末書御書院祇應臣沈政臣鄒義等
刻字
撰人稱先生 宋敦興頌

碑首題虛儀先生撰趙郡唐英書錢氏大昕據宋史文苑
傳謂為馬應碑頌為太祖作不稱臣而稱先生亦無禮之
甚未可為例

題名有押字 宋趙諒題名

此元豐五年趙諒華山雲臺觀題名也趙諒記下有押字
前此未有

碑題建立年月在文前 唐廣貞德政頌

王氏昶曰碑題建立年月在文前一行字較文特大亦他

碑所未有

題額有褒美之詞 唐楊珣碑

此碑為御書御製皇太子臣亨奉敕題額云恒農先賢積
慶之碑恒農郡望也先賢積慶頌詞也他碑所未見

碑不列書人姓名 唐涼州衛大靈寺碑

碑題劉秀撰夏侯湛篆額而不列書碑名蕭思亮墓誌亦
僅列撰人名不云書郭思訓碑不列撰書人名皆例之
變未必法漢碑也

碑末列勒碑人及石工姓名 唐紀信碑

碑末有勒碑人又有石工王氏昶曰殆鈎摹者為勒碑鐫
字者為石工亦他碑未見有如是分晰者

碑後作詩贊立碑之人

漢唐扶頌

碑於頌後載處士間葵斑戀念唐君為立碑云云後系七
言騷體五句有以家財分讚君號諸學兮俾助垂後世兮
不之譽蓋頌其立碑者此一例也

碑後續書

漢稿長蔡湛頌

頌後又云聖朝明哲以爵寵賢光
和四年十二月甲口詔
書拜并州刺史蓋志其并州之除續書也柳河東有續榮
澤尉崔君墓誌本此例

頌後低格書姓名

漢楊厥碑

碑頌後低一格書趙邵等三人姓名此已開碑後系撰書
姓名之式後又平格書王府分遣官屬事末行低七字書

魏伯玉徙官每行三十字有不齊者

碑首行重題與額同

漢孔宙碑

額云有漢泰山都尉孔君之碑九字首行復題此九字按
漢碑俱有額無題洪氏适曰凡漢碑刻其首行即入詞無
額者或題其前如張納樊安之比亦甚少已篆其上復標
其端惟此碑爾

一文兩題

東魏敬史君碑

碑首行云禪靜寺刹前銘下空一字又云敬史君之碑一
文兩題亦所未見史君即使君

碑陰有額

漢孔宙碑

此碑陰前有門生故吏名五字與謁者景君陳德鄭季宣

王純四碑陰同他碑無是也

頌後書某人建立之由 漢華山碑

碑中敘宏農太守安國亭侯汝南袁逢掌華岳之主修瘞起頌云云頌後書袁府君肅恭明神易碑節闕會遷京兆尹孫府君到欽若嘉業遵而成之延憲八年四月二十九日甲子就後又書袁府君等諱字里居蓋作碑者追述修廟之功與韓敕孔子廟碑孟郁修堯廟碑同例也又外黃令高君碑末亦書年月姓名述立碑之事

奉敕撰碑書碑書額兩人 唐孔子廟堂碑

碑首列虞世南奉敕撰并書王且書碑額考漢碑額多不著書人名唐正字謂之書額篆字謂之篆額書額另是一

人間有一人并書者奉敕撰始見此

奉敕書 唐高麗濱州朗圓大師碑

碑云奉敕書即奉敕之謂亦曰奉宣

碑後附書心經 唐馮府君墓誌

碑末書心經後云弟子王瑗妻蕢旃檀智男元佐元憫同

贖此經

碑後附書他人 漢熊君碑

碑列故茶陵長文春故桂陽山豫章口長重安侯相杜暉俱書名字官位及卒洪景伯曰似是同郡盛德之士作文者惜其無紀錄故附之左方也此後人附書故交僚友之例也柳河東先侍御史府君碑陰記其先友六十七人本

此例也

敘銘長短

漢平輿令薛君碑

隸釋曰前有敘凡三十六字次有銘詩三百四言敘短銘長亦一例也又此碑不書名字與景君碑同又此碑以君功承堅南清誼攀數聲爲一章漢人用韻多如此

碑題孝子貞女

碑題孝子董蒲闕又嚴舉碑首行云都鄉都里孝子嚴君又孝子王立碑漢明帝時立見水經注書貞女見漢貞女羅鳳墓

一碑五例

漢北海景君碑

此碑有五例碑首先書卒一例也不書族系名字一例也額

曰銘詞曰誄誄後又有亂日用兮字助聲猶校官碑前有誄後又有敘柳敏碑亦同一例也益州部當言刺史不當言太守猶孔彪已自博陵太守遷河東太守而碑尙題博陵魯峻自司隸校尉拜屯騎校尉而額尙書司隸又一例也碑陰第三列書行三年服者八十二人碑陰後又有韻語一十八句似銘詞又一例也

先敘作碑之人與文中之人相與始末後別起爲誌銘之敘
宋蘇氏墓誌

此碑爲劉次庄撰文首敘次庄與夫人之夫趙大夫公揚獎飭事乃曰論撰次庄職也謹誌而銘之後入敘文末又有銘曰四字句用韻

敘從簡 漢益州太守無名碑

碑首兩行先書卒數語後即入詞畧敘先世及行事皆四言韵語後系以亂用兮字助聲魏司馬元興墓誌

有銘不加銘曰碑有銘無銘曰二字按碑有誌無銘者有有銘無誌者蓋有韵之銘無韵之銘古人銘誌原不分也唐人誌後不作

銘作論又一例矣銘詞 漢孔宙碑

碑銘三十句上十四句一韵下十六句一韵又碑詞並用四言韵語末四句又用五言韵語見費鳳碑及張表碑銘作兩詞曰一四言韵語一四言次句用兮字助聲者見柳

敏碑銘詞四言末二韵用兮字者見劉修碑銘詞末四句用矣字助聲者見郎中郭君碑銘頌三言見趙君碑此皆漢人家法也至通首用七言韵語而無碑詞者見韓退之夫人墓碑銘詞四言末二句六言者見江淹撰孫曼墓銘無碑詞銘用四言末一韵五言一韵六言者見江淹撰孫愐墓銘銘詞只兩句見柳子厚覃季子墓銘末書乃荐銘曰見鄭偉墓誌秦嶧山石刻銘詞間二句用一韵

銘文似敘 唐清河張夫人墓誌

碑既敘夫人適于閻氏二子一女矣其銘曰清河夫人嬪于閻氏二男一女忠孝誰理銘似敘文亦所未見

光緒歲在丁亥仲春之月吳縣朱記榮槐廬家塾重校刊
 金石綜例卷三終

金石綜例卷四

槐廬叢書

小長蘆舊史官馮登府纂

吳縣朱記榮校刊

銘詞二句為一章

唐博陵瞿府君墓志銘詞共十二章分其二其二兩句為

一章

銘詩五言

漢嚴訢碑

隸釋云漢人銘墓皆一律此文先書其所終歲月及壽考

有嗟惜之詞踰百言始云伊歎嚴君諱訢字少通遂述其

行事與費鳳兩碑略相似銘詩亦五言列種諸奇樹一句

又同豈亦卜君作乎

生時作誄銘亦曰敘

漢校官碑

此碑頌潘君生德之美為在位時所立故碑陰書丞尉等
名不稱故字兩漢金石記曰碑以前半敘事之文曰誄
以後半有韻之文曰敘亦變例也錢氏大昕以誄本為
哀死而作今縣民頌其長而稱誄失其義矣王氏昶證以
周禮太祝六詞皆為生人作詞無為死者之事謂誄之名
通於死生殆如考妣嬪可兼生稱也又引論語誄曰孔注
誄禱篇名說文引此作謚亦云纍功德以求福推之此碑
於義無嫌余按說文謚禱也誄謚也檀弓士之有誄曾子
問幼不誄長賤不誄貴皆謂累其功德以定謚論語作誄
本譌文當作謚字誄以定謚亦生後之義生而賜謚左氏
所譏且以吏人而誄長官亦昧於檀弓之說於義終未協

古人從質不拘耳

秦後附贊附銘

漢乙瑛碑

乙瑛碑敘奏而附以贊史晨碑敘奏而附以銘隸釋云此
碑有三式三公奏于天子一也朝廷下郡國二也郡國上
朝廷三也全氏祖望謂法史記三王世家為髯翁表忠觀
碑所祖又樊毅碑無極山碑皆前敘奏制後敘建置之由
漢人奏詔之文如此

樊毅碑全載奏牘而云上尚書蓋因
尚書以上朝廷也無極山碑亦云上

尚書

碑文中用韻

漢孔彪碑

碑文云仁必有勇可以託六授命如毛諾則不宿美之至
也莫不歸服又云無偏無黨遵王之素荐可黜否出口口

度又云爰尚桓桓枿馬獨周醜類已殫路不拾遺斯民以安皆用韻文法每段敍官爵後卽系以贊語後系以銘亦

一體也

韓勅碑敍文張表碑亦多用韻王元寶碑冀州從事郭君碑敍文多四言用韻

碑不用韻語而題曰銘

漢閻熹長韓仁銘

碑文敍韓仁移下河南尹令牒未有如律令三字蓋漢人公移申語稱銘而實無韻詞此韓愈撰張法曹李楚金及乳母諸墓銘所祖又一例也有無碑詞單用韻語而稱墓誌者如江文通於孫愐韓退之於盧渾任彥升於劉夫人是也有散文韻語兼行而稱墓誌者如梁簡文於何徵君韓退之於孟貞曜柳子厚於襄陽趙丞是也有無散敍而稱誌銘者如王融於豫章王謝眺於海陵王沈約於長沙

王是也通首用七言韻語而稱墓誌者如韓退之於夫人墓碑是也僅四句十六言不用韻而稱墓誌者如李禮之墓誌是也沿流溯源要皆各有師承而稍易其文法耳

銘詞三字兩叶足字

漢曹全碑

銘曰吏樂政民給足君高升極鼎足連叶足字以其異義已起後人重韻之本吳山夫謂古人有連用韻而并非異義者如詩雲漢三章曰周餘黎民靡有孑遺吳天上帝則不我遺兩遺字連焦仲卿妻詩此韻無行節舉動自專由吾意父懷忿汝豈得自由兩由字連押亦用韻一奇例也前人從未有論及者按武榮張壽祝睦諸碑銘詞亦三言先敍立碑之人頌後有詞

漢祝睦碑

碑首言故吏王堂等下有述上之功臣有敘君之德云云
次言代作頌曰頌中韻語散文夾行頌後系之以詞三言
用韻

頌詩三章

漢劉熊碑

碑云采摭言謠刊詩三章書作三列俱韻語

頌詞分章書

唐木潤魏夫人祠碑銘

碑末頌詞四章章十句每章末空三字以別之亦例之變

銘詞用韻不同

唐部公家廟碑

銘八章每章五句上四句各自用韻下一句則合八章之
末句同一韻如第一章去部之皇祖肇允號士逮于後昆
實守左輔徙華陰兮第三章云源長流光施于司倉涼州

兵部克熾而昌載德深兮下六章同

頌後有詩頌後有序

漢析里橋邨閣頌楊孟文石門頌

石門頌後有序曰六句用韻邨閣頌後有詩用兮字助聲

本騷體周憬功勳銘孔耽神祠碑全用七言騷體

題書銘而文稱頌題不著妻姓亦不著父兄子女之名

北魏司馬

景和妻墓志銘

翁氏方綱云銘以延昌三年正月辛酉葬而為頌題稱銘

而文稱頌題不著其妻姓而文但云中散大夫之幼女陳
郡府君之季妹亦不著其父兄之名皆金石例所未舉雖
漢碑有之然非正也又魏自有晉懷愍之世始封於代踰
九十年乃詔以國號為魏此文猶以魏代為稱則其不忌

本始之意亦可見矣按魏代並稱猶殷商荆楚嬴秦之例耳又誌稱五男三女而不著其名古人之從簡也

以書丹爲下丹 唐文王廟新門記

碑云裴平下丹篆額又額刻畫有二龍捧珠亦後世雙龍

所由昉

就石書 宋南高峰大佛字款

款云錢唐景明就石書阮氏元云卽書丹也

奉命書 宋華岳廟題名

文云男開奉命書

書丹 漢石經

憲平石經蔡邕以八分書丹書丹二字始見此

製文 唐道因法師碑

碑首云隴西李儼字仲思製文王氏昶曰與上官靈芝之

製王居士埭塔銘同例

作此文 唐蓋文達碑

碑首題于志寧字處謐作此文王氏昶曰撰人兼書字并

不曰撰而曰作此文又一例也余按孔穎達碑云于志寧

字仲謐撰仲謐舊唐書不著其字新書傳及宰相世系表

皆云仲謐當以仲謐爲是漢李翁邠閣頌題名云漢德爲

此頌仇紉子長書此頌又北魏陸希道銘側題陳郡袁翻

字景翔制銘此碑之所由昉也

兼序 唐于公墓志

首行小字云兼序他碑多作并序此亦僅見

撰文曰製唐皇甫誕碑

此碑書于志寧製與李百藥製虞恭公碑同例

碑用陽文

水經注云鄴縣西門豹碑隱起爲字蓋陽文也

碑額用陽文北魏始平公造像記

額題始平公像一區用棋子格陽文凸起石刻所少末書

太和廿二年九月十四日訖朱義章書孟達文唐碑亦多

用陽文題額

書立碑年月姓氏例

柳敏碑云其二年十月甲子爲君立碑傳于萬基祝睦碑

云於是三年禮闈相與刊勒金石之類此書立碑年月例也逢童碑於是門生東武孫理下密王升等共刊石劉寬後碑門生殷苞等共所興立之類此書立碑之姓氏也郊令景君碑諸生服義百有餘人迺刊此石元賓碑於是族舊門人莫不傷瘁立銘薛君碑吏民其咨咨君之德乃建碑石之類皆書立碑之意其姓氏爵里書于碑陰

迺爲銘粵唐房彦昭碑

碑以粵爲曰金石文字記曰古曰字與日同一書法故變其文爲粵欲讀者之易曉也吳氏摺曰粵曰雖皆語詞而用各有當惟尙書曰各借用粵此外皆無有借粵爲曰亦書碑者好奇之過又後魏武定八年太公呂望碑其詞曰

亦作粵

尅為碑板 唐丁思禮監心經碑記

碑云尅為碑板永口不息尅通克字與刻同聲之字王氏昶曰碑板之稱始見於此又唐馮府君墓誌銘云尅石紀

事

建此豐碑 唐三元定公碑

末題大唐麟德元年四月八日建此豐碑亦誌中所無

墓志銘 唐劉荃墓志

首行墓作慕字之假

書造碑人例

有書年月日者如譙敏碑中平四年七月廿八日癸卯造

趙君碑初平元年十二月廿八日立之類是也有不書日

者如靈臺碑建寧五年五月造之類是也有書年月日并

書某人造者如無極山碑光和四年十月十三日石師

造熊君碑建安廿一年口月丙寅朔一日丙寅大

歲丙申碑師春陵程福造之類是也有不書年月及年月

在前僅書某人造者如武氏石闕石工孟李季弟卯造白

石神君師王明孔耽碑治師同縣朱適朱祖并作畜部郝

閣頌時石師南 缺威明周憬碑陰工師南陽宛王遷字子

疆則并其里居字書之有書書碑并造者如玉君治石路

碑弟子楊子欽奉為作 缺定遠 缺造樊敏碑建安十年三

月上旬造石工劉成息懌書之類是也此皆漢例之最古

者

碑陰書德行好學

漢劉熊碑

隸釋云碑於處士之后有好學四十餘人必泮宮之後進以處士為丈人行者德行一人必是嘗貢考察廉者

碑中字體之異

唐口部將軍功德記

此碑前題郭謙光文及書獨用篆字以隸書碑與他碑異

碑額書某先生

漢婁壽碑

額題元儒婁先生碑元儒是私謚稱先生尊之也部輔碑亦書先生隸釋云猶陳實之文範法真之元德也又蜀任君碑陰亦稱先生洪氏謂為元儒先生之類按古人只稱先漢梅福傳曰叔孫先非不忠也師古注先猶言先生又

鄧先好奇計及張談先之類

市石察書刻者

漢華山碑

碑文京兆尹勅監都水掾霸陵杜遷市石遣書佐新豐郭香察書刻者潁川邯鄲公脩蘇張工缺市石造碑者察書察其書也刻者刻石者孔耽碑之治師武梁碑之良匠白石神君碑之石師靈臺碑之工師熊君碑之碑師皆刻者也

碑書工徒

漢太學碑

文云永建六年九月詔書修太學刻石記年用作工徒十一萬二千人陽嘉九年八月作畢

碑刻石匠木匠姓名

宋天禧華岳廟題名云司石匠作頭張口事材場大木匠
口興宋政和修街磚後列泥水都料邵宗仁來宗義等金
重修漢太師公墓記後列石匠塼匠姓名

書人畫人佛匠 唐王教道塲文

碑首題朝請郎行成都府廣都縣丞李志泰述書人樂安

郡口惟謙末題都料丈六彌勒佛匠雍慈敬亦異於他碑

畫人見唐漳州陀羅星經幢唐經幢多有之

書工畢 唐漁陽郡君塔

末云大唐顯慶四年夏六月十四日功畢

雕塲功訖 周淮南公杜君墓誌

末云大唐儀鳳二年歲次丁丑五月壬戌朔七日戊辰雕

塲功訖亦例也

入京兆學 宋游師雄墓誌

碑云年十五入京兆學入學二字始此碑

看題 唐李克用題名

題云克用記王處存看題二字亦後人所由昉

從行侍行借行 唐華岳廟題名宋重修北岳廟記澹山岩詩

華岳題名云震口口口客從行又一題名云男右千牛堂

從行北岳廟記題名有男韶美侍行澹山岩詩刻題伊維

吳千能賦水調刻諸石弟千兒子奕侍客蔣涇曹昌佑借

行又元豐華岳廟題名云男知章侍次皆後人所本

大尙書 漢劉寬碑陰

碑有大尙書張祗祝睦碑亦云拜大尙書隸釋云以其長於諸曹故加大以別之

家門生

漢逢童碑陰

碑有右家門生字逢童之門生也

門童議民賤民

漢孔宙碑

碑陰有門童洪氏曰親受業曰弟子以久次相傳授曰門生未冠曰門童搃而稱之曰門生舊所治官府其掾屬曰故吏占藉曰故民非吏非民曰處士素非所莅曰義士義民亦稱議民賤民

民女亦稱妃

北齊孟阿妃造像記

孟阿妃亦民間女而稱妃古人無忌諱如此又後周觀世

音造像有女妃孀妻淳于妃之文魏書有河陰縣民張智

壽妹容妃亦民女而稱妃者

法眷

唐京北府重修清涼建福禪院記

末書同學法眷卽所謂師兄弟也

尼稱和尚

唐北邱尼惠源誌銘

碑云大唐濟度寺故大德比丘尼惠源和尚上神空誌銘又翟灝通俗編引廣異記大歷時某寺尼令婢買餅人問汝和尚好否亦尼稱和尚之一証

後學

唐朝陽岩銘

末題零邑後學田口書石王氏昶曰後學之稱始見於此

太先生

唐元結碑

金石錄卷四
碑云及終門人私謚曰太先生王氏昶曰謚法無太字太與泰同說文大也通也私謚始取義於此

宗兄先生 唐元結碑

碑云結始知書乃受學於宗兄先生德秀宗兄之稱始此

先靈 漢王稚子石闕

碑云漢故先靈侍御史河內縣令王君稚子闕隸釋云先

靈之稱他碑所無

王母乳母 周史伯碩父鼎

銘有王母乳母之文吳侃叔曰王母謂適母乳母謂生母內則所謂食母喪服所謂乳母是選於傳御之中者不得與皇考王母並著尊彝其爲生母無疑說文曰生子曰乳

廣正曰乳生也是乳義爲生也

皇女 周龔叔壺銘

銘有皇考龔叔皇女龔故之文金石存謂皇女者疑卽皇母之省

稱大父曰耶耶大母曰娘娘 宋永清縣石幢

幢云亾耶耶王安娘娘劉氏亾父文清母梁氏錢氏大昕曰稱大父曰耶耶北人猶有此稱大母曰娘娘則未之聞也又永清縣南信安鎮龍泉寺有金大寧三年碑其文亦

有王孝子耶耶之文當亦謂其大父耳

皇考 宋瀧岡阡表

唐宋人碑誌稱其父曰皇考李翱述其大父題曰皇祖實

錄此尤無忌諱宋徽宗時始禁之南渡後無復此稱

故公姑公 周郭敦遲篋

銘曰郭季故公猶先公也遲篋又言姑公姑故也亦猶故

公也

孝弟收淚拜書 宋趙崇雋壙誌

末題孝弟通直郎新知湖州烏程縣主管勸農營田公事

賜緋魚袋崇修收淚拜書

子偁穆 商穆父丁鼎

右銘穆作父丁寶尊葬吳侃叔曰穆非人名公羊傳注子

曰穆穆取其北面尚敬也則穆作父丁即子作父丁也

大碑主大橋主發心主大施主大像主 唐小石橋碑

碑後書大碑主大橋主發心主大施主大像主皆各系姓名猶沿北魏造像之例

天宮主登明主鐘主象主邑 謂後周王妙暉等造像記

記稱天宮主一鐘主一登明主四象主一邑謂三皆剏見

北齊七級浮圖記又有西面浮圖主東面浮圖主等稱北

齊聖母寺四面象碑又有南面上堪象主南面中堪象主

左藉齊主右藉齊主等稱亦一時習俗如此

道民 北齊馬天祥等造像記

碑書道民某某者四按晉有劉道民即此類與

香火 北齊合邑諸人造佛堪銘

碑書香火李英雄孫子璨後人香火之名始此

廟令 唐華岳廟題名

文云廟令張從本題又宋慶歷題名云廟令榮殆廟祝之類

北面象主邑老營舍都開光明主 北齊董洪達造像銘

碑書邑老營舍王某一都開光明主四北面像主八皆

見也

化主 西魏魏氏造像碑

首書化主某蓋卽教化主之例

發心主 西魏李早生等造像題銘

碑書發心主二蓋發心爲功德也 唐高乾式造像稱心主與此同義

教化主 東魏王元畧造須彌塔記

記書教化主亦猶大義主功德主之類

民望都民望隊主沙門統沙門都道人營福都維那長兼都

維那黨司五官焦弁長同上

碑陰云民望都民望皆邑之有民望者隊主卽隊主軍職

也沙門統沙門都道人營福都維那長兼都維那皆僧稱

也黨司五官焦弁長同東魏義橋石象記碑陰

有土豪天宮主郡功曹防郡功曹白衣左右都盟主等名

當時意造亦習尙如此

邑胥邑政但官 北魏袁口等五十人造像記

碑陰書邑胥邑政但官等名王氏昶云胥疑卽胥政疑卽

正但官殆邑荐紳之屬

唯那邑子

北魏孫秋生等造像記

碑記新城縣功曹孫秋生等二百人造像之事碑中所書姓名上皆稱唯那惟孫道務一人稱邑子所造係佛像而額題邑子像皆不可曉維那華言典坐也

義主大義主

北魏賈思伯碑

王氏昶曰碑末有義主又有大義主魯郡太守張猛龍碑有義主而無大義主翁氏方綱云歛資刊石出資者率稱曰主如造像稱像主刊經主勸緣稱功德主此義主蓋施財之主也

漢蜀郡造橋碑又有義

工義徒蓋工作施助者顧亭林云宋太宗朝避御名凡義字改爲信然

信士義主已見於六朝

邑師邑主邑正邑老茭明主

北魏趙阿觀等造像記

記後書姓氏有邑師邑主邑老邑正等稱邑之出貲立碑者也又有茭明主都維那並佛家之稱與孫秋生造像略異

清信士弟子

北魏劉洛真造像記

記稱清信士弟子某猶今稱信士信官也北魏造像類如此

手下弟子

唐比邱尼正言疏

此碑與勅內庄宅使牒爲一稱手下弟子李自遷卽前書俗弟子之人蓋俗子而皈依佛法者也

閣主殿主塔主寺主懺悔師鈔主懺悔主

遼憫忠寺石函題名

題名有閣主殿主東西塔主寺主懺悔師鈔主懺悔主等

名皆沿六朝之例

內弟姨弟 唐農府君夫人碑

碑書姓名內有內弟姨弟之稱

典坐直歲 唐重修大像寺記

記書典坐某直歲某典坐蓋主教直歲即今所謂值年

家生子 唐代國長公主碑

文云司農小兒家生者不在此限

表來孫 唐新羅國石南山國師碑

碑云國師諱讓元聖王之表來孫憲康王之叔弟舅此稱

亦類見

前進士 唐升仙廟興功記

碑書前進士鄭珏書其下注云光化三年添前字日知錄

曰唐人未第稱進士已及第則稱前進士

座主 唐華岳廟題名

文云同送座主尚書趙滑臺至潼關座主二字始見此

府幕季邑 宋譚粹題名

文云府幕譚粹蓋都督府之幕職又云季邑簿李種即下

邑也

門下士 唐楊從義墓誌

碑稱門下士蓋幕中客也

舉吏 漢張元碑

隸釋云漢碑稱舉將者有二高彪碑稱潁川太守文君為

舉將三公山碑元氏尉樊子義稱常山相馮君爲舉將其
自稱舉吏者獨於此碑見之

神漢

漢周憬功勳銘

額題云神漢桂陽太守集古錄曰神漢猶唐人之聖唐云
余蓋當時已爲此語劉衡碑及桐栢廟碑稱聖漢

同學俗弟子

唐勅內庄宅使牒文

文云不忤同學王氏昶曰卽千字稱同師出家者爲同學
俗家爲俗弟子

巨唐

唐大岷山碑

碑首云巨唐興元末下詔徵天下兵將大有事於淮西巨
唐卽大唐也

鉅宋

朱重新緱山仙祠題記

題有鉅宋宣和庚子歲重陽記鉅宋卽巨宋之例

皇字高出一字

漢韓勅碑

前碑皇戲後碑皇漢俱高出一字又曹騰碑皇太后先帝
華山碑高祖太宗孝武等字並高出一字魏上尊號及受
禪表先皇陛下皇帝等字俱平闕謁者景君碑皇帝賻三
字特出誌文之上

大宋國

宋保寧寺鍾款

末書大宋國

頭子錢

唐勅修文宣廟牒

牒云摧破處量破倉庫頭子錢修葺王氏昶曰頭子錢乃

抽于民以充公用也

臣下泛用欽惟 宋漢中新修堰記

記云欽惟我公宋時臣下得泛用欽惟

風調雨順國泰民安 金圓覺禪寺鍾款

鍾款有此入字今殿宇上必有此八字即本此蓋始於六

朝

孝也 唐代國長公主碑

凡書碑之例葬某處禮也此碑則云陪葬橋陵孝也

律也 唐尼法願墓誌

碑例於葬于某處下云禮也此碑云乃以其年十月十七日營空于少陵原之側儉以從事律也亦文法之創

四六文雜用七言句 唐劉遵禮墓誌

碑敘末云生也有涯前距百齡纔及半死如可作後游九

原當與歸以七言句入駢體文猶沿六朝之體

敬寫 唐進法師塔銘

沙門智祥敬寫

碑文有脫字 唐橋亭記

碑中人獲壹錢脫入字 刻注又鄉老重書老字古人書碑

不拘如此

碑文 刻注音切 唐杜順和尚行記碑

碑云擲于急流中而復見二字 刻注胡甸反又孔紆墓誌

銘出將 刻注去聲

書臣字小字劬注宋王公議碑誌

碑書臣字並小字劬注始見此碑

之字倒用

黃本驥曰折夫人墓誌云遷窆于龍首原之禮也三字似衍以余所見義興周夫人誌云以茲吉辰赴社城東郊之禮也王訓誌云遷厝萬年縣澹川鄉澹川原之禮也雲麾將軍張安生誌云別兆葬于龍首原之禮也豫州刺史杜君誌云合葬于龍山某原某里之禮也金石萃編疑其倒互當作某里之原禮也合諸誌觀之斷無皆倒之理自是當時有此文法

書子以也字助聲唐潘智墓志

志云有子五人順也運也訓也慎也俊也

上澣宋慈恩寺塔題名

題有元祐三年八月上澣題錢氏大昕云漢自公卿以下五日一休沐唐時十日一休沐亦謂之休澣宋時百官旬假循唐故事故有上澣中澣下澣据周益公曰逾中澣日近中休之旬謂每月之二十日為中澣日上澣必月之十日矣十旬之中止一澣日今以上澣中澣下澣當上旬中旬下旬既失其義又休澣惟官人乃可用之不當通於士庶矣

旦宋四十二章經碑

末題武翊紹興己卯十一月旦不系日而書旦字此近世

穀旦吉旦之祖

修切善狀 唐鄭楚相德政碑

末云左司郎中宇文邈修切善狀他德政碑所無

惟兮 漢縣三老楊信碑

碑有惟兮即嗚呼之詞張偉伯墓中石文亦用之

助緣鹽醋 唐卧龍寺幢

幢末有某人助緣鹽醋助緣口食是建幢時布施之食物

他碑所無

公館 唐殷府君夫人碑

碑云卒於某尉之公館

直錢萬二千 漢延熹銅壺銘

銘云延光四年銅二百斤直錢萬二千按古錢多稱重若干斤容若干未有書直錢者此例之創者

廿五石 漢修官二鍤盆銘二


銘云廿五石廿年修官作其一云廿五石隸續云古人作器必銘誌其輕重大小亦謹權量之一事乃兩盆皆有廿五石字乃龠合升斗石之石非銖兩斤鈞石之石也
用貝十朋又三朋 周庚姬彝

江德量曰此銘記用貝此碑陰記出錢之祖

比二 漢耿氏燈銘

銘云延光四年二月耿氏作燈比二張哀造比二者言如此者有二古一器非一有云第一第二者此言比二亦創

例



光緒歲在丁亥仲春之月吳縣朱記榮槐廬家塾重校刊
金石綜例卷四終

